

摛藻堂四庫全書薈要

史部

欽定四庫全書會要

史部

唐書卷一百五十四



詳校官編修臣王天祿

欽定四庫全書

唐書卷一百五十四

史部

唐書卷一百五十四

宋 端 明 殿 學 士 宋 邑 撰

列傳第七十九

李晟

李晟字良器洮州臨潭人世以武力仕然位不過裨將
晟幼孤奉母孝身長六尺年十八往事河西王忠嗣從
擊吐蕃悍酋乘城殺傷士甚衆忠嗣怒募射者晟挾一

矢殪之三軍讐奮忠嗣撫其背曰萬人敵也鳳翔節度使高昇召署列將擊疊州叛羌於高當川又擊連狂羌於罕山破之累遷左羽林大將軍廣德初擊党項有功授特進試太常卿大歷初李抱玉署岷右軍將吐蕃寇靈州抱玉授以兵五千擊之辭曰以衆則不足以謀則多乃請千人繇大震關趨臨洮屠定秦堡執其帥慕容谷鍾虜乃解靈州去遷開府儀同三司以右金吾衛大將軍為涇原四鎮北庭兵馬使馬璘與吐蕃戰鹽倉敗

績晟率游兵拔璘以歸封合川郡王璘內忌晟威略歸之朝為右神策都將德宗始立吐蕃寇劍南方崔寧未還蜀土大震詔晟將神策兵救之踰漏天拔飛越等三城絕大渡斬虜千級虜遁去建中二年魏博田悅反晟為神策先鋒與河東馬燧昭義李抱真合兵攻之斬楊朝光晟乘冰度洛水破悅又戰洹水悅大敗遂進攻魏加檢校左散騎常侍兼魏府左司馬朱滔王武俊圍康日知於趙州也抱真分兵二千戍邢燧怒欲班師晟曰

奉詔東討者吾三帥也邢趙比壤今賊以兵加趙是邢
有晝夜憂李公分衆守之不為過公奈何遽引去燧悟
釋然即造抱真壘與交歡景建言以兵趨定州與張孝
忠合以圖范陽則武俊等當捨趙帝壯之授御史大夫
又俾神策三將軍莫仁擢等隸之景自魏引而北武俊
果解去景留趙三日與孝忠連兵北略恒州圍朱滔將
鄭景濟於清苑決水灌之悅武俊引兵戰白樓孝忠兵
筭景引步騎擊破之清苑益急滔武俊大懼悉起兵來

救圍嚴軍嚴內攻景濟而外抗滔等自正月至五月不
解會嚴疾甚不能興軍中共計引還定州而賊猶不敢
逼疾間將復進會帝出奉天有詔召嚴即日治嚴而孝
忠以軍介二盜間倚嚴為重數止嚴無西嚴語衆曰天
子播越人臣當百舍一息義武欲止吾吾當以子為質
乃以憑約昏弁遺良馬孝忠有親將謁嚴嚴解玉帶遺
之使喻孝忠乃得踰飛狐次代州詔迎拜神策行營節
度使進臨渭北壁東渭橋所過樵蘇無犯時劉德信自

扈潤敗歸亦次渭南軍畧無制德信入謁晟晟責所以
敗斬之以數騎入壁勞其軍無敢動晟已弁兵則軍益
振於是朔方李懷光方軍咸陽不欲晟當一面請與晟
合有詔徙屯乃引趨陳壽斜與懷光聯壘晟每與賊戰
必錦裘繡帽自表指顧陣前懷光望見惡之戒曰將務
持重豈宜自表襮為賊餌哉晟曰昔在涇原士頗相畏
伏欲令見之奪其心爾懷光不悅遷延有異志晟使間
說懷光曰賊據京邑天子暴露於外公宜速進兵雖晟

不肖願為公先驅死且不悔懷光不納每兵至都城下而懷光軍多鹵掠晟軍整戢懷光使分所獲遺之又辭不敢受懷光謀沮撓其軍即奏言神策兵給賜比方鎮獨厚今桀逆未平軍不可以異且衆以為言臣無以解惟陛下裁處懷光欲晟自削其軍則士怨易撓帝議諸軍與神策等力且不贍遣翰林學士陸贊臨詔懷光令與晟計所宜者懷光曰稟賜不均軍何以戰贊數顧晟晟曰公元帥軍政得專之晟將一軍唯所命其增損費調敢不聽懷光默然

計塞顧刻削稟賜事出已乃止懷光屯咸陽凡八旬帝數促戰以伺賊隙為言卒不出兵陰通朱泚反迹寢露晟懼為所弁上言當先變制備請假裨佐趙光銑唐良臣張彧為洋利劍三州刺史各勒兵以通蜀漢衿喉未報會吐蕃欲佐誅泚帝議幸咸陽督戰懷光大駭疑帝奪其軍圖反益急晟與李建徽陽惠元皆聯屯適有使者到晟軍晟乃令曰有詔徙屯即結陣趨東渭橋後數日懷光并建徽惠元兵惠元死之是日帝進狩梁州駱谷道隘儲供不豫從

官乏食帝歎曰早用晟言三蜀之利可坐有也顧渾瑊曰
渭橋在賊腹中兵孤絕晟能辦勝邪瑊曰晟秉義挺忠岸
然不可奪臣策之必破賊帝乃安自行在遣晟將張少弘
口詔進晟尚書左僕射同中書門下平章事晟受命拜且
泣曰京師天下本若皆執羈勒誰將復之乃繕甲兵治陴
隍以圖收復是時晟提孤軍橫當寇鋒恐二盜合以軋之
則卑詞厚幣偽致誠於懷光者時教賈單彊乃使張或假
京兆少尹多署吏調畿內賦不淹旬芻米告具乃陳兵

下令曰國家多難乘輿播遷見危死節自吾之分公等
此時不誅元凶取富貴非豪英也渭橋斷賊首尾吾欲
與公戮力一心建不世之功可乎士皆雪泣曰惟公命
於是駱元光以華州之衆守潼關尚可孤以神策兵保
七盤皆受晟節度戴休顏舉奉天韓游瓌悉邠寧軍從
晟懷光始懼晟乃移書顯讓之使破賊自贖懷光不聽
然其下益攜落畏為晟襲乃奔河中其將孟涉段威勇
以兵數千自拔歸晟皆表以要官帝遣使者間道詔晟

兼河中晉絳慈隰節度使又兼京畿渭北廊坊丹延節
度招討使帝欲益西幸晟請駐梁漢以繫天下望又進
京畿渭北廊坊商華兵馬副元帥時京兆司錄參軍李
敬仲自賊中來乃署節度府判官以諫議大夫鄭雲達
為行軍司馬擢張或自副神策軍及晟家皆為賊質左
右有言者晟涕數行下曰陛下安在而欲恤家乎此使
晟吏王無忌婿款壁門曰公等家無恙晟怒曰爾乃與
賊為間乎叱斬之時輸縑不屬盛夏士有衣裘者晟能

與下同甘苦以忠誼感發士心終無攜怨遷士得姚令
言崔宣謀者晟命釋縛飯飲之遣還敕曰為我謝令言
等善為賊守勿不忠於此乃引兵叩都門賊不敢出振
旅而還明日會諸將圖所向衆對先拔外城然後清宮
晟曰外城有里閭之隘若設伏格戰居人囂潰非計也
賊重兵精甲聚苑中今直擊之是披其心腹將圖走不
暇諸將曰善乃自東渭橋移壁光泰門以薄都城連溝
柵而賊將張庭芝李希倩求戰晟顧曰賊不出是吾憂

也今乃冒死來天誘之矣勒吳說等縱兵鏖擊賊攻華
師急晟以精騎馳救中軍譟而從大破之乘勝入光泰
門再戰賊郤僵尸相藉餘衆走白華賊大哭終夜不息
翌日將復戰或請待西師晟曰賊既敗當乘機撲殄苟
俟西軍是容其為計豈吾利邪乃悉軍軍光泰門使王
佖李演將騎史萬項將步抵苑北晟先夜墮苑垣為道
二百步比兵至賊已伐木塞以拒戰晟叱諸將曰安得
縱賊今先斬公矣萬項懼先登拔柵以入佖督騎繼之

賊崩潰執其將段誠諫大兵分道進雷謨震地令言庭
芝希倩等殊死鬪戩令唐良臣等步騎奔突賊陣成輒
北十餘遇皆不勝蹴入白華賊伏千騎出官軍背戩以
麾下百騎自馳之左右呼曰相公來賊驚潰禽馘略盡
泚率殘卒萬人西走田子奇追之餘黨悉降戩引軍屯
含元外廷舍右金吾次令軍中曰五日內不得輒通家
問違者斬遣京兆尹李齊運部長安萬年令分慰居人
秋毫無所擾別將高明曜取賊妓一司馬袖取賊馬一

即斬以徇坊人之遠者宿昔乃知王師之入也明日孟
涉屯白華尚可孤屯望仙門駱元光屯章敬寺嚴屯安
國寺斬賊用事者及臣賊宦豎於市表著節不屈者擇
文武攝臺省官以俟乘輿條脣汙於賊者請以不死露
布至梁帝感泣羣臣上壽且言嚴蕩夷克憲而市不易
屢宗廟不震長安之人不識旗鼓雖三代用師不能加
之帝曰天生嚴為社稷萬人豈獨朕哉拜嚴司徒兼中
書令實封千戶嚴遣大將吳詵以兵三千到寶雞清道

自請迎扈不許帝至自梁歲以戎服見三橋帝駐馬勞之歲再拜頓首賀克殄大盜廟朝安復已即跪陳備爪牙臣不能指日破賊致乘輿再狩乃臣不任職之咎敢請死伏道左帝為掩涕命給事中齊映起之使就位有詔賜第永崇里涇陽上田延平門之林園女樂一列歲入第京兆供帳教坊鼓吹迎導詔將相送之帝紀其功自文於碑敕皇太子書立於東渭橋以示後世云又令太子錄副以賜始歲屯渭橋也熒惑守歲久乃退府中

皆賀曰熒惑退國家之利速用兵者昌熒曰天子暴露
人臣當力死勤難安知天道邪至是乃曰前士大夫勸
熒出兵非敢拒也且人可用而不可使之知也夫惟五
緯盈縮不常熒懼復守歲則我軍不戰自屈矣皆曰非
所及也涇州倚邊數戕其帥熒請治不龔命者因以訓
耕積粟實塞下羈制西戎帝乃拜熒鳳翔隴右涇原節
度使兼行營副元帥徙王西平郡實封千五百戶熒請
與李楚琳俱行亦將治殺張鎰罪帝方務安反側不許

景至鳳翔亂將王斌等十餘人以次伏誅時宦者尹元貞持節到同華擅入河中諭慰李懷光景劾元貞矯使欲洗宥元惡請治罪又言赦懷光有五不可河中抵京師三百里同州制其衝兵多則示未信少則力不足忽驚東偏何以待之一也今赦懷光則必以晉絳慈隰還之渾瑊康日知又且遷徙二也兵力未窮忽宥反逆四夷聞之謂陛下兵屈而自罷耳今回紇拒北吐蕃梗西希烈僭淮蔡若棄強示弱以招窺覲三也懷光既赦則

朔方將士悉復叙勲行賞追還縑廩今府庫空殫物不
酬滿是激其叛四也既解河中諸道還屯當有賜資賞
典不舉怨言必起五也今河中米斗五百芻稭且罄人
餓死牆壁間其大將殺戮幾盡圍之旬時力窮且潰願
無養腹心疾為後憂臣請選精兵五千約十日糧可以
破賊帝方以賊委馬燧渾瑊故不許晟至涇而田希鑒
逆謁執之并其黨石竒等悉伏誅表右龍武將軍李觀
為涇原節度使晟常曰河隴之陷非吐蕃能取之皆將

臣皆貪暴其種落不得耕稼日益東徙自棄之爾且土無繒絮人苦役擾思唐之心豈有既乎因悉家貲懷輯降附得大酋浪息曩表以王號每虜使至必召息曩於坐衣大錦袍金帶夸異之虜皆指目歆藍吐蕃君臣大懼相與議尚結贊者善計乃曰唐名將特李晟與馬燧渾瑊爾不去之必為吾患即遣使委辭因燧請和且求盟因盟謀執瑊以賣燧於是結贊大興兵踰龍岐無所掠陽怒曰召吾來乃不牛酒犒軍徐引去以是間晟

選兵三千使王佖伏汧陽旁擊其中軍幾獲結贊晟又遣野詩良輔等攻摧沙堡拔之結贊屢乞和會晟朝京師奏言戎狄無信不可許宰相韓滉與晟合因請調軍食以給西師然天子內厭兵疑將臣生事亦會滉卒而張延賞當國故與晟有隙後雖詔講解而陰不與也密言晟不可久持兵更薦劉玄佐李抱真經略西北俾立功以間晟帝惑其言貞元三年帝坐宣政殿引見晟備冊禮進拜太尉中書令罷其兵詔晟乘輶謁太廟視事

尚書省賜良馬錦綵千計是歲歲與吐蕃盟平涼虜劫之歲挺身免詔罷燧河東皆如結贊計云通王府長史丁瓊者嘗為延賞擠抑內怨望乃見歲曰以公功乃奪兵柄夫惟位高者難全盍早圖之歲曰君安得不祥之言執以聞明年詔為歲立五廟追賚高祖芝以下祔其主給牲器牀幄禮官相事它日與馬燧見延英帝嘉其勲下詔曰昔我烈祖乘乾坤盪滌掃隋季荒茀體元御極作人父母則有熊羆之士不二心之臣左右經綸參

翊締構昭文德恢武功威不若康不乂用端命於上帝
付畀四方王業既成太階既平乃圖厥容列於凌煙閣
懋昭績效表式儀形以弗忘朝夕永垂乎來裔君臣之
義厚莫重焉歲在己巳秋九月我行西宮瞻望崇構見
老臣遺像顓然肅然和敬在色想雲龍之協期感致業
之艱難覩往思今取類非遠且功與時竝才與世生苟
蘊其才遇其時尊主庇人何代蔑有在中宗時有如桓
彥範等著輔戴之績在玄宗時有如劉幽求等申弼翼

之勲在肅宗時有如郭子儀掃除氛祲今顧晟等保寧
朕躬咸宣力肆勤光復宗祏訂之前烈夫豈多謝闕而
未錄孰旌厥賢況念功紀德文祖所為也在予其曷敢
怠有司宜敍先後各圖其象於舊臣之次命皇太子書
其文以賜晟晟刻石於門七年以臨洮未復請附貫萬
年詔可九年薨年六十七帝聞流涕詔百官就第進弔
比大斂帝手詔誓以存保世嗣申告柩前冊贈太師謚
曰忠武及葬又御望春門臨送遣謁者宣詔於柩車百

官拜哭於道憲宗元和中詔其家與屬籍以晟配饗德
宗廟廷僖宗狩蜀倉部員外郎袁皓采晟功烈為興元
聖功錄徧賜諸將表勵之晟性疾惡臨下明每治軍必
曰某有勞某長於是雖廝養小善必記姓名尤惡下為
朋黨者篤分義隆於故舊嵐州刺史譚元澄嘗有德於
晟後貶死晟既貴直其枉詔贈元澄寧州刺史晟撫其
三子為成就之在鳳翔嘗曰魏徵以直言致太宗於堯
舜上忠臣也我誠慕焉行軍司馬李叔度曰彼縉紳儒

者事公勲德何希是哉歲晏曰君失辭歲幸得備將相苟容身不言豈可謂有犯無隱邪是非唯上所擇爾叔度慙故歲每進對嘗嘗盡大臣節未嘗露於外治家以嚴子姪非晨昏不輒見所與言未嘗及公事正歲崔氏女歸寧讓曰爾有家而姑在堂婦當治酒食且以待賓客即卻之不得進達禮敦教類若此與馬燧皆在朝每宴樂恩賜使者相銜於道兩家日出無鐘鼓聲則金吾以聞少選使者至必曰今日何不舉樂既薨城鹽州復故

池以新鹽賜宰相帝思晟乃致鹽靈座其眷遇終始無
與比者有十五子其聞者愿憲憩聽云

愿少謙謹晟立功時諸子未官宰相以聞即日召授太
子賓客上柱國故事柱國門列戟遂父子皆賜元和初
領夏綏銀宥節度使政簡而嚴部有失馬者愿署牒於
道以金購之三日失馬弁良馬一繫署下且曰逸而至
不告罪當死謹以良馬贖愿歸失馬而縱其良境內肅
然徙節武寧軍會伐青鄆數有功以久疾用憩代之召

為刑部尚書俄檢校尚書左僕射節度鳳翔自是邇聲色而政衰矣長慶中徙宣武始張弘靖給其軍頗厚恩至府庫殫匱賞賚不及弘靖時而侈費過之以威刑操下用婚家竇緩典帳中兵驕驚急沓牙將李臣則等因衆不忍夜斬緩首原聞變不及巾與左右數人縋而逸奪野人乘馳以免其家死於兵三子匿而免兵既亂因大掠推李宷主後務請諸朝時責愿不職貶隋州刺史入為左金吾衛大將軍復拜河中晉絳等節度使雖嘗

以荒侈敗不能自悛軍政愈弛結納權近官貲隨賂遺
輒盡蒲人怨且亂會卒贈司徒

憲與憩於諸子號最仁孝長喜儒以禮法自矜制調太
原府參軍事醴泉尉于頓鎮襄陽辟署於府時吳少誠
張淮西獨憚頓威彊時謂憲為之助又辟魏博田弘正
幕府遷衛州刺史以治行稱徙絳州絳有幻人誅民以
亂憲執誅之河中兵本仰食於絳而汾可輸河渭歲租
與糴常數十萬石故教保山為固民之輸者十牛不勝

一車憲濱汾相地治新倉當費二百萬請留垣縣票糴
河南以錢還糴絳粟既免負載勞又權其贏以完新倉
絳人賴利入為宗正少卿副金吾大將軍胡証為送太
和公主使還獻回鶻道里記遷太府卿太和初繇江西
觀察使遷嶺南節度使憲勲伐家子所歷皆以吏能顯
政績暴著善治律令性明恕詳正大獄活無罪者數百
人卒官下

翹字元直有籌略善騎射以蔭補協律郎遷累衛尉少

卿早喪所生為晉國王夫人所鞠王卒晟以非嫡敕諸
子服總憇獨號慟不忍晟乃許服縗既練晟薨與憲廬
墓側德宗敦遣歸第一夕復往帝許之服除授太子右
庶子出為坊晉二州刺史以治異等加金紫光祿大夫
進詹事憲宗討吳元濟唐鄧節度使高霞寓既敗以袁
滋代將復無功憇求自試宰相李逢吉亦以憇可用遂
檢校左散騎常侍為隋唐鄧節度使憇以其軍初傷夷
士氣未完乃不為斥候部伍或有言者憇曰賊方安袁

公之寬吾不欲使震而備我乃令於軍曰天子知愬能忍恥故委以撫養戰非吾事也衆信而安之乃斥倡優未嘗嬉樂士傷夷病疾親為營護蔡人以嘗敗辱霞寓等又憩名非夙所畏者易之不為備愬沈驚務推誠待士故能張其卑弱而用之賊來降輒聽其便或父母與孤未葬者給粟帛遣還勞之曰而亦王人也無棄親戚衆願為愬死故山川險易與賊情偽一能曉之居半歲知士可用乃請濟師詔益河中鄜坊二千騎於是繕鎧

厲兵攻馬鞍山下之拔道口柵戰嵖岈山以取鑪冶城
入白狗汶港柵披楚城襲朗山再執守將平青陵城禽
驍將丁士良異其才不殺署捉生將士良謝曰吳秀琳
以數千兵不可破者陳光洽為之謀也我能為公取之
乃禽以獻於是秀琳舉文成柵降遂以其衆攻吳房殘
外垣始出攻吏曰往亡日法當避憇曰彼謂吾不來此
可擊也既引還賊以精騎尾擊憇下馬據胡牀令軍曰
退者斬衆決死戰射殺其將賊乃走或勸遂取吳房憇

曰不可吳房拔則賊力專不若留之以分其力初秀琳降憩單騎抵柵下與語親釋縛署以為將秀琳為憩策曰必破賊非李祐無與成功者祐賊健將也守興橋柵其戰嘗易官軍憩候祐護獲於野遣史用誠以壯騎三百伏其旁見羸卒若將燔聚者祐果輕出用誠禽而還諸將素苦祐請殺之憩不聽以為客待間召祐及李忠義屏人語至夜艾忠義亦賊將所謂李憲者軍中多諫此二人不可近憩待益厚乃募死士三千人為突將自

教之會雨自五月至七月不止軍中以為不殺祐之罰
將吏雜然不解憇力不能獨完祐乃持以泣曰天不欲
平賊乎何見奪者衆邪則械而送之朝表言必殺祐無
與共誅蔡者詔釋以還憇乃令佩刀出入帳下署六
院兵馬使六院者隋唐兵也凡三千人皆山南奇材銳
士故委祐統之祐捧檄嗚咽諸將乃不敢言由是始定
襄蔡之謀矣舊令敢舍諜者族憇刊其令一切撫之故
諜者反效以情憇益悉賊虛實時李光顏戰數勝元濟

悉銳卒屯洄曲以抗光顏愬知其隙可乘乃遣從事鄭
解見裴度告師期於時元和十一年十月己卯師夜起
祐以突將三千為前鋒李忠義副之愬率中軍三千
進誠以下軍殿出文成柵令曰引而東六十里止襲張
柴殲其戍數士少休益治鞍鎧發刃彀弓會大雨雪天
晦凜風偃旗裂膚馬皆縮慄士抱戈凍死於道十一二
張柴之東陂澤阻輿衆未嘗蹈也皆謂投不測始發吏
請所向愬曰入蔡州取吳元濟士失色監軍使者泣曰

果落祐計然業從翹人人不敢自為計翹道分輕兵斷橋以絕洄曲道又以兵絕朗山道行七十里夜半至懸瓠城雪甚城旁皆鵝鷺池翹令擊之以亂軍聲賊恃吳房朗山戍晏然無知者祐等坎墉先登衆從之殺門者發關留持柝傳夜自如黎明雪止翹入駐元濟外宅蔡吏驚曰城陷矣元濟尚不信曰是洄曲子弟來索褚衣爾及聞號令曰常侍傳語始驚曰何常侍得至此率左右登牙城田進誠兵薄之翹計元濟且望救於董重質

乃訪其家慰安之使無怖以書召重質重質以單騎白衣降憩待以禮進誠火南門元濟請罪梯而下檻送京師申光諸屯尚二萬衆皆降憩不戮一人其為賊執事帳內厨廄廝役悉用其舊使不疑乃屯兵鞠塲以俟裴度至憩以橐鞬見度將避之憩曰此方廢上下分久矣請因示之度以宰相禮受憩謁蔡人聳觀乃還屯文成柵有詔進檢校尚書左僕射山南東道節度使封涼國公實封戶五百賜一子五品官帝方經略隴右故徙憩

節度鳳翔李師道反詔憩代愿帥武寧軍旬日踐父兄
兩鎮世以為榮董重質得罪被斥憩請賜軍中自效許
之乃署為牙將憩與賊戰金鄉破之凡十一遇禽其隊
帥五十俘馘萬計淄青平進同中書門下平章事徙昭
義節度賜第興寧里會田弘正守鎮州乃以憩帥魏博
長慶初幽鎮亂殺弘正憩素服以令軍曰魏人富庶而
通於天化者田公力也上以其愛人使往治鎮且田公
撫魏七年今鎮人不道而戕害之是無魏也父兄子弟

食田公恩者何以報之衆皆哭又以玉帶寶劍遺牛元翼曰此劍吾先人嘗以渝大盜吾又以平蔡姦今鎮人逆天公宜用此夷之也元翼感動謝曰敢有不承而愛其死力乃下令軍中勒兵以俟會憇疾甚不能軍詔田布代之以太子少保還東都卒年四十九贈太尉謚曰武愬行已儉約其昆弟賴家勲貴飾輿馬矜室廬唯愬所處乃父時故院無所增廣始晟克京師市不改肆愬平蔡亦如之功名之奇近世所未有晚雖忽於取士與

鄭注善議者不以掩其賢

贊曰：愬得李祐不殺，付以兵，不疑知可以破賊也。祐受任不辭，決策入死，以愬能用其謀也。祐之才待愬乃顯，故曰平蔡功愬為多。

聽字正思，七歲以蔭為協律郎。父吏少之，不甚敬聽，輒使鞭之。最奇其才長，乃辟佐于頓府。吐突承璀討王承宗，以聽為神策行營兵馬使。既戰，斬賊驍將憲宗壯之，詔圖狀以獻。承璀數問聽，計卒縛盧從史遷左驍衛將軍。

軍出為蔚州刺史州有銅冶自天寶後廢不治民盜鑄不禁聽乃開五鑪官鑄錢日五萬人無犯者徙安州會觀察使柳公綽方討蔡以聽典軍一一咨之聲振賊中召為羽林將軍帝討李師道出聽楚州刺史淮西兵緣弱鄆人素易之聽日整勒士皆奮即掩賊不虞趨連水破沫陽絕龍沮堰遂取海州攻朐山降之懷仁東海兩城望風送款以功兼御史大夫夏綏銀宥節度使又徙靈鹽部有光祿渠久廢廢聽始復屯田以省轉餉即引

渠溉塞下地千頃後賴其饒進檢校工部尚書穆宗初
立幽鎮反擇名臣節度太原者代裴度使統兵北討始
聽為羽林時有駿馬帝在東宮使左右諷取之聽自以
身宿衛不敢獻於是帝曰李聽往在軍中不與朕馬是
必可任乃授檢校兵部尚書充河東節度使敬宗嗣位
改義成軍太和初討李同捷而魏博將牙志沼反擊其
帥史憲誠詔聽出援擊殺志沼以功封涼國公拜一子
五品官王廷湊之亂詔聽悉兵屯貝州史憲誠懼聽因

取道襲之袁甲候諸郊聽敕士橐兵野次魏人乃安憲
誠既請朝魏人怨詔聽兼帥魏博聽遷延不即赴魏遂
亂殺憲誠共推大將何進滔乘城拒守聽不得入乃屯
館陶又不設備魏人襲之師驚潰死失殆半輜械盡棄
之聽晝夜馳以免於是御史中丞溫造等劾奏魏州亂
憲誠死職繇於聽請論如法天子不罪也罷為太子少
師聽素以賂遺得權幸心故多為助力未幾拜邠寧節
度使邠署相傳不利治垣舍前刺史視其壞莫敢葺聽

曰將出鑿凶門何避治署邪亟使完新之卒無異改帥
武寧軍有故奴為徐將不喜聽來乃先殺親吏之使徐
者以沮聽聽果懼以疾解授太子少保踰歲節度鳳翔
又徙陳許鄭注摭其過詔以太子太保分司東都開成
初為河中晉絳慈隰節度使文宗嘆曰付之兵不疑退
處散地不怨惟聽為可四年以疾求還復拜太子太保
卒年六十一贈司徒聽治官苛細急摯斂頗極所欲盛
飾車馬服玩或諫之聽曰家聲在人若示衰薄恐不見

忠功之效吾欲夸而勸之也好方書擇其驗者題於帷

布牆屋皆滿

聽子琢以家閥擢累義昌平盧鎮海三節度使無顯功
不為士大夫稱道數免復還廣明時沙陀數盜邊於是
琢為宿將拜檢校尚書右僕射蔚朔等州招討都統行
營節度使徙河陽三城坐逗撓下遷刺史卒

王佖者晟之甥武敢閑騎射晟在師佖無不從攻朱泚
於光泰門賊方銳佖與李演鏖戰蹀血賊數北諸軍乘

之遂大振以功擢神策將擊吐蕃有功晟視佖與子姓等其給與過之晟兵罷佖亦不見用召為左衛上將軍元和中拜朔方靈鹽節度使吐蕃欲作烏蘭橋以過師積材河曲朔方府常遣兵發其木委於河故莫能成及佖至虜知其寡謀乃厚賂之而亟遂功築月城以守自是虜歲入為寇朔方乘障不暇人以咎佖在鎮檢下亡術猜忌多殺人召還為右衛將軍故事將相除徙皆內出制故號白麻至佖以責罷遂中書進制久之卒

贊曰晟之屯東渭橋也朱泚盜京師李懷光反咸陽河
北三叛相王李納竊河南李希烈証鄭反晟無積貲輸
糧提孤軍抗羣賊身佩安危而氣不少衰者徒以忠誼
感人故豪英樂為之死耳至師入長安而人不知雖三
王之佐無進其能可謂仁義將矣嗚呼功能存社禡不
能見信於庸主卒奪其兵哀哉雖然功蓋天下者惟退
禍可以免四子世似其勞是宜有後哉

唐書卷一百五十四

欽定四庫全書

唐書卷一百五十五

史部

唐書卷一百五十五

宋 端 明 殿 學 士 宋 祁 撰

列傳第八十

馬渾

馬燧字洵美系出右扶風徙為汝州鄭城人父季龍舉
孫吳倜儻善兵法科仕至嵐州刺史燧姿度魁傑長六
尺二寸與諸兄學輶策數曰方天下有事丈夫當以功

濟四海渠老一儒哉更學兵書戰策沈勇多算安祿山
反使賈循守范陽燧說循曰祿山首亂今雖舉洛陽猶
將誅覆公盍斬向潤客牛廷玠傾其本根使西不得入
關退亡所據則坐受禽矣此不世功也循許之不時決
會顏杲卿招循舉兵祿山遣韓朝陽召循計事因縊殺
之遂走西山間道歸平原平原不守復走魏寶應中澤
潞節度使李抱玉署為趙城尉時回紇還國恃功恣睢
所過皆剽傷州縣供餼不稱輒殺人抱玉將饋勞賓介

無敢往燧自請典辦具乃先賂其酋與約得其旗章為
信犯令者得殺之燧又取死囚給役左右小違令輒戮
死虜大駭至出境無敢暴者抱玉才之因進說曰屬與
回紇接且得其情觀僕固懷恩樹黨自重裂河北以授
李懷仙張忠志薛嵩田承嗣等其子瑒佻勇不義將必
窺太原公當備之既而懷恩與太原將謀舉其城辛雲
京覺之不克嵩自相衛歸懷恩糧以絕河津抱玉令燧
說嵩嵩告絕於懷恩即署燧左武衛兵曹參軍累進至

鄭州刺史勸督農力歲一稅人以為便徙懷州時師旅後歲大旱田茀不及耕燧務勤教化止橫調將吏有親者必造之厚為禮瘞暴胷止煩苛是秋稻生於境人賴以濟抱玉守鳳翔表燧隴州刺史西山直吐蕃其上有通道虜常所出入者燧聚石種樹障之設二門為譙櫓八日而畢虜不能暴從抱玉入朝代宗雅聞其才召見授商州刺史兼水陸轉運使大歷中河陽兵逐其將常休明詔燧檢校左散騎常侍為三城使汴將李靈耀反

帝務息人即授以汴宋節度留後靈耀不拜引魏博田
承嗣為援詔燧與淮西李忠臣討之師次鄭靈耀多張
旗幟以犯王師忠臣之兵潰而西燧軍頓熒澤鄭人震
駭忠臣將遂歸燧止之益治軍忠臣乃還收亡卒復振
忠臣行汴南燧行汴北敗賊於西梁固靈耀以銳卒八
千號餓狼軍燧獨戰破之進至浚儀是時河陽兵冠諸
軍田悅帥衆二萬助靈耀破永平將杜如江等乘勝距
汴一舍而屯忠臣合諸軍戰不利燧為奇兵擊之悅單

騎遁汴州平燧知忠臣暴傲讓其功出舍板橋忠臣入
汴果因會擊殺宋州刺史李僧惠燧還河陽秋大雨河
溢軍吏請具舟以避燧曰使城中盡魚而獨完其家吾
不忍既而水不為害遷河東節度留後進節度使太原
承鮑防之敗兵力衰單燧募廝役得數千人悉補騎士
教之戰數月成精卒造鎧必短長三制稱士所衣以便
進趨為戰車冒以狻猊象列戟於後行以載兵止則為
陣遇險則制衝冒器用完銳居一年闢廣場羅兵三萬

以肆威震北方建中二年朝京師遷檢校兵部尚書封
幽國公還軍初田悅新有魏博恐下未附即輸款朝廷
遂建言悅必反既而悅果圍邢州身攻臨洺築重城絕
內外援邢將李洪臨洺將張伾固守詔遂以步騎二萬
與昭義李抱真神策兵馬使李晟合軍救之遂出鄆口
未過險移書抵悅示之好悅以遂畏已大喜既次邯鄲
悅使至遂皆斬之遣兵破其支軍射殺賊將成炫之悅
聞使大將楊朝光以兵萬人據雙岡築東西二柵以禦

燧遂率軍營二壘間是夜東壘遁燧進營狗明山取棄
壘置輜重悅計曰朝光堅柵且萬人雖燧能攻未可以
數日下且殺傷必衆則吾已拔臨洺饗士以戰必勝術
也即分恒州兵五千助朝光燧令大將李自良等以騎
兵守雙岡戒曰令悅得過者斬燧乃推火車焚朝光柵
自晨及晡急擊大破之斬朝光禽其將盧子昌獲首五
千執八百人居五日進軍臨洺悅悉軍戰燧自以銳士
當之凡百餘返士皆決死悅大敗斬首萬級俘係千餘

館穀三十萬斛邢園亦解以功遷尚書右僕射初將戰
燧約衆勝則以家貲賞至是殫私財賜麾下德宗嘉之
詔出度支錢五千萬償其財進兼魏博招討使李納李
惟岳合兵萬三千人救悅悅哀散兵二萬壁洹水淄青
軍其左恒冀軍其右燧進屯鄆請益兵詔河陽李光以
兵會次於漳悅遣將王光進以兵守漳之長橋築月壘
扼軍路燧於下流以鐵鑣維車數百絕河載土囊遏水
而後度悅知燧食乏深壁不戰燧令士齎十日糧進營

倉口與悅夾洹而軍造三橋逾洹日挑戰悅不出陰伏
萬人將以掩燧燧令諸軍夜半食先雞鳴時鳴鼓角而
潛師並洹趨魏州令曰聞賊至止為陣留百騎持火待
軍畢發匿其旁須悅衆度即焚橋燧行十餘里悅率李
納等兵踰橋乘風縱火躁而前燧乃令士無動命除榛
莽廣百步為場募勇士五千人陣而待比悅至火止氣
少衰燧縱兵擊之悅敗走橋橋已焚衆赴水死者不可
計斬首二萬級殺賊將孫晉卿安墨啜虜三千人戶相

駘藉三十里淄青兵幾蹙悅夜走魏州其將拒不納北
明追不至悅乃得入抱真先問曰糧少而深入何也燧
曰糧少戰利速兵善於致人今悅與淄青恒冀三軍為首
尾欲不戰以老我師若分擊左右未可必破悅且來助
是腹背支敵也法有攻其必救故趨魏以破之皆曰善
悅嬰城自守於是李再春以博州悅兄昂以洺州王光
進以長橋皆降悅使符璘李瑤衛還淄青殘兵璘等亦
降魏尊御溝貫城燧塞其上游魏人恐悅遣許士則侯

臧間行告窮於朱滔王武俊會二人者怨望乃連和悅
恃燕趙方至即出兵背城陣燧復與諸軍破之進同中
書門下平章事北平郡王魏州大都督長史滔武俊聯
兵五萬傅魏會帝遣李懷光以朔方軍萬五千助燧懷
光勇於鬪未休士即與滔等戰不利悅決水灌軍燧兵
亦屈退保魏縣滔等瀕河為壘會涇師亂帝幸奉天燧
還軍太原初李抱真欲殺懷州刺史楊鉢鉢奔燧奏
其非罪乃免抱真怒及共解邢園獲軍糧燧自有之以

餘給抱真軍抱真益怒洹之捷軍進薄魏悅以突騎犯
燧營李克救之抱真勒兵不出燧將攻魏取攻具於抱
真營并請雜兩軍平其功抱真不聽請獨當一面繇是
逗遛帝數遣使講解武俊略趙地抱真分麾下二千人
戍邢燧怒謂抱真以兵還守其地我能獨戰死邪將引
還李晟和之乃復與抱真善及田昂降燧請以洺州隸
抱真而用昭義副使盧玄卿為刺史兼魏博招討副使
李晟兵前獨隸抱真抱真亦請兼隸於燧以示協一然

議者咎燧私忿交惡卒不成大功至太原遣軍司馬王
權以兵五千走奉天又遣子彙與諸將子壁中渭橋帝
已幸梁乃還時天下方騷北邊數有警燧念晉陽王業
所基宜固險以示敵乃引晉水架汾而屬之城濬為東
隍省守陴萬人又釆汾環城樹以固隄詔兼保寧軍節
度使帝還京李懷光反河中詔燧為河東保寧奉誠軍
行營副元帥與渾瑊駱元光合兵討之時賊黨要廷珍
守晉毛朝數守隰鄭抗守慈燧移檄鐫諭皆以州降因

拜燧晉絳慈隰節度使武俊之圍趙也康日知不支將
棄趙燧請詔武俊擊朱滔授以深趙以日知為晉慈隰
節度使及三州降燧固讓日知且言因降受節恐後有
功者踵以為利帝嘉許籍府庫兵仗以授日知大
喜過望燧乃率步騎三萬次於絳略定諸縣降其將馮
萬興任象玉遂圍絳拔外郭守將夜棄城去降四千人
遣李自良定六縣降其將辛曉收卒五千裨將谷秀違
令掠士女斬以徇與賊戰寶鼎射殺賊將徐伯文斬首

萬級獲馬五百於時天下蝗兵艱食物貨翔踴中朝臣
多請宥懷光者帝未決燧以懷光逆計久反覆不可信
河中近甸捨之屈威靈無以示天下乃捨軍入朝為天
子自言之且得三十日糧足平河中許之乃與瑊元光
韓游瓌之兵合賊將徐廷光守長春宮城燧度長春不
下則懷光固守久攻所傷必衆乃挺身至城下見廷光
廷光憚燧威拜城上燧顧其心已屈徐曰我自朝廷來
可西嚮受命廷光再拜燧曰公等朔方士自祿山以來

功高天下奈何棄之為族滅計若從吾言非止免禍富貴可遂也未對燧曰爾以吾為欺邪今不遠數步可射我披而示之心廷光感泣一軍皆流涕即率衆降燧以數騎入其城衆大呼曰吾等更為王人矣渾瑊亦自以為不及也歎曰嘗疑馬公能窘田悅今觀其制敵固有過人者吾不逮遠矣進營焦籬堡堡將降餘戍望風遁去燧濟河兵八萬陣城下是日賊將牛名俊斬懷光降衆猶萬六千誅其黨閻晏孟寶張清吳同等它脅附悉

赦之不閱月河中平遷光祿大夫兼侍中賜一子五品
官還太原帝賜宸宸台衡二銘以言君臣相成之美勒
石起義堂帝榜其額以寵之貞元二年吐蕃尚結贊破
鹽夏二州守之自屯鳴沙及春畜產死糧乏詔燧為綏
銀麟勝招討使與駱元光韓游瓌等會師擊虜燧次石
州結贊懼乞盟帝不許乃遣將論頰熱甘辭請於燧且
重幣申勤勤明年燧還太原與論頰熱俱朝盛言宜許
以盟天子然之燧之朝結贊遠引去帝詔渾瑊與盟平

涼虜劫瑊僅得免吐蕃歸燧之兄子弇曰河曲之屯春
草未生吾馬飢公若度河我無種矣賴公許和今釋弇
以報帝聞悔怒奪其兵拜司徒兼侍中賜妓樂奉朝請
而已與李晟皆圖象凌煙閣後病足不任謁九年十月
自力朝廷英詔母拜時晟已卒帝顧燧曰尚記與太尉
晟俱來邪今乃獨見公因悲涕燧亦疾而仆帝親掖之
詔左右扶去送至陞燧頓首泣謝固乞骸讓侍中不許
卒年七十贈太傅謚曰莊武子彙暢

暢少以蔭至鴻臚少卿建中中燧討賊山東暢留京師於是大旱朝廷議括商旅緝錢多亡命入南山為盜暢客單超俊李雲端等竊議以為事且危暢是其言遣奴諫燧班師燧怒執奴以聞使兄炫拘暢請罪帝方倚燧貸不問但誅其客勑炫賜暢杖三十然亦罷括商人令燧沒後以貲甲天下暢亦善殖財家益豐晚為豪幸年侵又彙妻訟產貞元末神策中尉楊志廉諷使納田產至順宗時復賜之中官往往逼取暢畏不敢差以至

困窮終少府監贈工部尚書諸子無室廬自託奉誠園
亭觀即其安邑里舊第云故當世視暢以厚畜為戒有
司諡曰縱子繼祖生四歲以門功為太子舍人五遷至

殿中少監

燧兄炫字弱翁少以儒學聞隱蘇門山不應辟召至德
中李光弼鎮太原始署掌書記常參軍謀光弼器焉刑
部郎中田神功帥宣武署節度判官授連潤二州刺史
以清白顯燧為司徒授刑部侍郎辭疾以兵部尚書致

仕卒

渾瑊本鐵勒九姓之渾部也世為臯蘭都督父釋之有才武從朔方軍積戰多遷累開府儀同三司試太常卿寧朔郡王廣德中與吐蕃戰沒瑊年十一善騎射隨釋之防秋朔方節度使張齊丘戲曰與乳媼俱來邪是歲立跳盪功後二年從破賀魯部拔石堡城龍駒島其勇常冠軍署折衝果毅節度使安思順授瑊偏師入葛祿部略特羅斯山破阿思布與諸軍城永清及天安軍遷

中郎將祿山反從李光弼定河北射賊驍將李立節貫
其左肩死之肅宗即位瑊以兵趨行在至天德與虜軍
遇敗之從郭子儀復兩京討安慶緒勝之新鄉擢武鋒
軍使從僕固懷恩平史朝義大小數十戰功最改太常
卿實封二百戶懷恩反瑊以所部歸子儀會釋之喪起
復朔方行營兵馬使從子儀擊吐蕃邠州留屯邠虜復
入至奉天瑊戰漠谷有功遷太子賓客屯奉天周智光
反子儀令瑊以步騎萬人下同州智光平以邠寧慶隸朔

方軍城屯宜祿大厯七年吐蕃盜塞深入城會涇原節度使馬璘討之次黃苦原城引衆据險設槍壘自營遏賊奔突舊將史抗等內輕城顧左右去槍叱騎馳賊既還虜躡而入遂大敗死者十八子儀召諸將曰朔方軍高天下今敗於虜奈何城曰願再戰乃馳朝那與鹽州刺史李國臣趨秦原吐蕃引去城邀擊破之悉奪所掠而還自是歲防長武城盛秋領邠州刺史吐蕃入方渠懷安城擊走之子儀入朝留知邠寧慶兵馬後務回紇

侵太原破鮑防軍拜瑊都知兵馬使自石嶺關而南督
諸軍掎角虜引去進魚單于副都護振武軍使子儀為
太尉德宗析所部為三節度以瑊魚單于大都護振武
東受降城鎮北大都護府綏銀麟勝州節度副大使未
幾崔寧領朔方故召為左金吾衛大將軍建中中李希
烈詐為瑊書若同亂者帝識其謀用不疑更賜良馬錦
幣普王為荊襄元帥討希烈也以瑊為中軍都虞候帝
狩奉天瑊率家人子弟以從授行在都虞候京畿渭北

節度使朱泚兵薄城戰譙門晨至日中不解或以芻車
至城曳車塞門焚以戰賊乃解泚治攻具矢石四集如
雨晝夜不息凡浹日鑿塹圍城城中死者可藉人心危
惄或夜縋出掇蔬本供御帝與泚相泣泚方據乾陵下
瞰城翠翟紅袍左右宦人趨走宴賜拜舞又縱慢辭戲
斥天子以為勝在景刻使騎環馳責大臣不識天命造
雲梁廣數十丈施大輪濡氈及草冒之周布水囊為鄣
指城東北構木廬蒙草周置之運薪土其下將塞隍帝

召琰授以詔書千餘自御史大夫實封五百戶而下募
突厥死士當賊賜琰筆使量功署詔不足則署衣以授
因曰朕與公訣矣令馬承倩往有急可奏琰俯伏嗚咽
帝撫而遣之琰前與防城使侯仲莊揣雲梁所道掘大
隧積馬矢及薪然之賊乘風推梁以進載數千人王師
乘城者皆凍餒甲弊兵鹽琰但以忠義感率使當賊人
憂不支羣臣號天以禱琰中矢自握去被血而戰愈厲
雲梁及隧而陷風返悉焚賊皆死舉城歡謡是日詔授

城二子官乃第賞將校泚攻城益急會李懷光奔難賊乃去進行在都知兵馬使實封五百戶乘輿進狩山南城以諸軍衛入谷口懷光追騎至後軍擊郤之遷檢校尚書左僕射同中書門下平章事兼靈鹽豐夏定遠西城天德軍節度朔方邠寧振武道永平軍奉天行營副元帥帝臨軒授鉞用漢拜韓信故事制曰寇賊千紀授爾節鉞以戡多難往欽哉城頓首曰敢不畢力以對揚天子休命乃率諸軍趨京師賊韓旻拒武功城率吐蕃

論莽羅兵破之武亭川斬首萬級遂屯奉天以抗西面
李晟自東渭橋破賊瑊與韓游瓌戴休顏以西軍收咸
陽進屯延秋門泚平論功以瑊兼侍中實封戶八百天
子還宮授河中絳慈隰節度使河中同陝虢行營副元
帥繇樓煩郡王徙咸寧賜大寧里甲第女樂五人將相
送歸第與李晟鈞禮俄加朔方行營副元帥與馬燧同
討李懷光懷光平檢校司空任一子五品官還屯河中
吐蕃相尚結贊陷鹽夏陰闢京師而畏瑊與李晟馬燧

欲以計勝之乃詭辭重禮請燧講好燧苦贊帝乃詔約
盟平涼川以瑊為會盟使為結贊所劫副使崔漢衡以
下皆陷惟瑊得免自奉天入朝羸服待罪詔釋之會吐
蕃復入盜使瑊鎮奉天虜罷還河中貞元四年虜入涇
邠授邠寧慶副元帥進檢校司徒兼中書令十五年卒
年六十四羣臣奉慰延英贈太師謚曰忠武喪車至自
鎮帝復廢朝瑊好書通春秋漢書嘗慕司馬遷自叙著
行紀一篇其辭一不矜大天性忠謹功高而志益下歲

時貢奉必躬閱視每有賜予下拜跽受常若在帝前世
方之金日磾故帝終始信待貞元後天子常恐藩侯生
事稍桀驁則姑息之惟璡有所奏論不盡從可輒私喜
曰上不疑我故治蒲十六年常持軍猜間不能入君子
賢之本名日進稍顯改焉五子鎬鐵為達官

鎬謙謹喜交士大夫歷鄧唐二州刺史有政譽元和中
延州沙陀部苦邊吏貪震擾不安李絳建言宜選才職
稱者為刺史乃任鎬延州會討王承宗而義武節度使

任迪簡病不能軍以鎬將家用乃遷檢校右散騎常侍義武軍節度副使俄代迪簡為使治兵頗有法然短於計略不持重鎮定二軍間不百里鎬引兵壓鎮境而屯距賊三十里鼓角聲相聞賊始亦畏見鎬無斥候乃潛師入定境焚廬蓄屠鄉聚鎬軍遂搖亦會中人督戰乃出薄賊大敗而還詔以陳楚代之時師飢凍聞鎬方罷遂亂劫鎬之家至裸辱楚聞馳入城乃定令軍中斂所剽歸鎬以兵衛出之貶韶州刺史後代州刺史韓重

華奏收鎬供軍金幣十餘萬乃復貶循州卒贈工部尚書

鐵以蔭補諸衛參軍累擢至豐州刺史坐贓七百萬文
宗以勲臣子貶袁州司馬還為袁王傅至太子詹事訓
注亂或言鐵匿賈餗為百騎所捕苦辨乃免然家為兵
剽皆盡文宗憐之授少府監遷殿中宰相以鐵之裔擬
刺史帝曰是豈可以牧民念其父功富之可也宰相言
鐵嘗治郡有績從之拜壽州刺史終諸衛大將軍

贊曰唐史臣稱燧沈雄忠力常先計後戰每戰親令於衆無不感慨用命鬪必決死未嘗折北名蓋一時然力能得田悅而不取虜不可信而決信之故河北三盜卒不臣平涼大臣奔辱燧之罪也雖然燧賢者也天下以為可責故責之不以功掩罪亦不可以罪廢功臧親與結贊盟不能料虜詐但以如詔為恭殆有猛志而無英才乎李晟謂虜不可與盟則燧瑊固出晟下遠甚功名大小信其然乎

唐書卷一百五十五

唐書卷一百五十五 考證

渾瑊傳父釋之廣德中與吐蕃戰沒○回鶻傳為僕固

懷恩所殺沈炳震以回鶻傳誤臣酉按回鶻傳云知

朔方留後僕固懷恩之走聲為歸鎮釋之曰是必衆

潰將拒之其甥張韶曰彼如悔禍渠可不納釋之信

之乃納懷恩懷恩已入使韶殺釋之收其軍其叙次

歷歷似不宜誤然舊書傳亦云與吐蕃戰沒於靈武

蓋傳聞異詞故新書兩収之

唐書卷一百五十五 考證

謹案卷一百五十四第十三頁前七行殿撫其三

子刊本三訛二據舊書改

第十七頁前五行於是秀琳舉文成柵降刊本成

訛城據舊書改

卷一百五十五第六頁前三行今悅與濁青恒冀

三軍為首尾刊本脫冀字據上文增

第十一頁後八行破阿思布刊本思布倒作布思

據舊書改

第十二頁前八行以鄒寧慶隸朔方軍刊本脫慶

字據舊書增





總校官庶吉士臣侍朝
校對官編修臣閔愽大
謄錄監生臣王廷樞

欽定四庫全書會要

史部

唐書卷一百五十六



詳校官編修臣王天祿

欽定四庫全書

唐書卷一百五十六

史部

宋 端 明 廏 學 士 宋 祁 撰

傳第八十一

楊戴陽二李韓杜邢

楊朝晟字叔明夏州朔方人興行間以先鋒功授甘泉
府果毅建中初從李懷光討劉文喜涇州斬獲多加驃
騎大將軍李納寇徐州從唐朝臣往討常冠軍懷光赴

難奉天屬朝歲兵千人下咸陽賜實封百五十戶懷光
反韓游瓈退保邠寧賊黨張昕守邠州大索軍實多募
士欲潛歸之朝歲父懷賓為游瓈將夜以數十騎斬昕
及同謀者游瓈遣懷賓告行在德宗勞問授兼御史中
丞朝歲泣見懷光曰父立功於國子當誅不可以主兵
懷光繫之及諸軍圍河中游瓈營長春宮而懷賓戰甚
力懷光平帝原朝歲因為游瓈都虞侯父子皆開府賓
客御史中丞軍中以為榮吐蕃犯邊游瓈自將守寧州

而御士寬軍驕及張獻甫來代軍遂亂朝晟逃於郊衆
齊監軍請以范希朝為節度使希朝時已在京師明日
朝晟出給衆曰予來賀所請之當也衆稍定朝晟結諸
將謀誅首惡者居三日給遣人自邠來曰前請報罷張
公已舍邠矣反者皆當死吾不願盡誅也第取首惡者
衆所譙指斬二百餘人獻甫遂入于軍帝以希朝為節
度副使而朝晟加御史大夫貞元九年城鹽州發卒護
境朝晟屯木波堡會獻甫卒有詔代為邠寧節度使朝

晟請城方渠合道木波以遏吐蕃路詔問須兵幾何報
曰部兵可辦帝問前日城五原興師七萬今何易邪對
曰鹽州之役虜先知之今薄戎而城虜料王師不十萬
勢難輕入若發部兵十日至塞下未三旬城畢積芻聚
糧留卒守之寇至不可拔萊野翦夷虜且走此萬全計
也若發大兵閱月乃至虜亦來來必戰戰則不暇城矣
帝納其策師次方渠水乏有青蛇降險下走視其跡水
從而流朝晟使築防環之遂為渟淵士飲仰足圖其事

以聞有詔置祠命泉曰應聖已城吐蕃悉衆至度不能
害乃引去復城馬嶺而歸開地三百里十七年卒于屯
戴休顏字休顏夏州人家世尚武志膽不常郭子儀引
為大將諭平党項羌以安河曲試太常卿封濟陰郡公
進封咸寧郡王兼朔方節度副使城邠州功最遷鹽州
刺史朱泚反率兵三千晝夜馳奔問行在德宗嘉之賜
寶戶一百與渾瑊杜希全韓游瓌等扞禦有勞帝進狩
梁洋留守奉天李懷光屯咸陽使人誘之休顏斬其使

勒兵自守懷光貽駿自涇陽夜走遷檢校工部尚書奉
天行營節度使合渾瑊兵破泚偏師斬首三千級追至
中渭橋京師平又與瑊率兵趨岐陽邀泚殘黨加檢校
尚書右僕射進戶四百從乘輿至京師賜女樂甲第拜
左龍武軍卒贈揚州大都督弟休璿歷開府儀同三司
封東陽郡王休晏歷輔國大將軍封彭城郡公俱以將
畧稱

陽惠元平州人以趨勇奮事平盧軍從田神功李忠臣

浮海入青州詔以兵隸神策為京西兵馬使鎮奉天德
宗初立稍繩諸節度跋扈者於是李正巳兵曹州田悅
增河上兵河南大擾詔移兵萬二千戍闕東帝御望春
樓誓師因勞遣諸將酒至神策將士不敢飲帝問故惠
元曰初發奉天臣之帥張巨濟與衆約是役也不立功
毋飲酒臣不敢食其言既行有饋於道惟惠元軍瓶罍
不發帝咨歎不已璽書慰勞俄以兵三千會諸將擊田
悅戰御河奪三橋惠元功多以兵屬李懷光及朱泚反

自河朔赴難解奉天圍加檢校工部尚書攝貝州刺史
詔惠元與神策行營節度使李晟鄜坊節度使李建徽
及懷光聯營便橋晟知懷光且叛移屯東渭橋翰林學
士陸贊諫帝曰四將接壘晟等兵寡位下為懷光所易
勢不兩完晟既慮變請與惠元東徙則建徽孤立宜因
晟行合兩軍皆往以備賊為解趣裝進道則懷光計無
所施帝不從使神策將李昇往伺還奏懷光反明甚是
夕奪二軍惠元建徽走奉天懷光遣將冉宗馳騎追及

於好畤惠元被髮呼天血流出皆袒裼戰而死二子歲
晝匿井中皆及害建徽獨免詔贈惠元尚書左僕射成
殿中監嵩邠州刺史

少子旻字公素惠元之死被八創墮別井或救得免歷
邢州刺史盧從史既縛潞軍潰有驍卒五千從史嘗以
子視者奔于旻旻閉城不內衆皆哭曰奴失帥今公有
完城又度支錢百萬在府少賜之為表天子求旌節旻
開諭禍福遣之衆感悟遂還軍憲宗嘉之遷易州刺史

王師討吳元濟以唐州刺史提兵深入二百里薄申州
拔外郛殘其垣以功加御史中丞容州西原蠻反授本
州經畧招討使擊定之進御史大夫合邕容兩管為一
道卒贈左散騎常侍

李元諒安息人本安氏少為宦官駱奉先養息冒姓駱
名元光美須髯驚敢有謀以宿衛積勞試太子詹事李
懷讓節度鎮國署奏以自副居軍十年士心憚服德宗
出奉天泚遣將何望之襲華州於是刺史董晉棄城走

望之欲聚兵以絕東道元諒自潼關引兵徑薄其城拔
之時兵興倉卒裹罽為鎧劄蒿為矢募兵數日至萬餘
軍氣乃振賊來攻輒卻時尚可孤守藍田元諒屯昭應
王權壁中渭橋賊兵不能踰渭南未幾遷鎮國軍節度
使封武康郡王先是詔發幽隴兵東討李希烈師方出
關北使劉忠孝召還至華陰華陰尉李夷簡說驛官捕
之追及關元諒斬以徇所召兵不得入由是華州獨完
俄詔元諒與李晟收京師次淮西元諒先奮塵賊敗之

進屯苑東嚴使壞苑垣入泚連戰皆北遂大潰京師平
讓功於嚴退壁近郊加檢校尚書左僕射實封戶五百
賜甲第女樂一子六品官李懷光反與馬燧渾瑊討之
其將徐廷光素易元諒數嫚罵為優胡戲斥侮其祖又
使約降曰我降漢將耳及馬燧至降於燧元諒見韓游
瓊曰彼詣吾祖今日斬之子助我乎許諾既而遇諸道
即數其罪叱左右斬之詣燧謝燧大怒將殺元諒游瓊
見曰殺一偏裨尚爾即殺一節度法宜如何燧默然元

諒請輸錢百萬勞軍自贖。瑊亦為請。遂赦之。帝以專殺
恐有司劾治。前詔勿論。貞元三年。吐蕃請盟詔。以軍從
瑊會平涼。元諒軍潘原游瓊軍洛口以為援。元諒曰。潘
原去平涼七十里。虜詐不情。如有急。何以赴。請與公連
屯。瑊以違詔不聽。瑊壁盟所二十里。元諒密徙營次之。
既會。元諒望雲物曰。不祥。虜必有變。傳令約部伍出陣
俄而。虜劫盟。瑊奔還。元諒兵成列出。而涇原節度使李
觀亦以精兵五千伏險。與元諒相表裏。虜騎乃解。元諒

遣車重先而與城振旅徐還時以為有古良將風是會
也微元諒觀二人城且不免帝嘉歎賜善馬金幣良厚
因賜姓及名更節度隴右治良原良原隍堞涇圮旁皆
平林薦草虜入寇常牧馬休徒於此元諒培高浚淵身
執苦與士卒均櫛翳榛莽闢美田數十里勸士墾藝歲
入粟菽數十萬斛什具畢給又築連弩臺遠烽偵為守
備進據勢勝列新壁虜至無所掠戰又輒北由是涇隴
以安西戎憚之卒年六十二贈司空謚曰莊威

李觀其先自趙郡徙洛陽故為洛陽人少沈厚寡言以
策干朔方節度使郭子儀子儀遣佐坊州刺史吳仲為
防遏使以親喪解吐蕃內寇代宗幸陝觀隱盩厔率鄉
里子姓千人守黑水虜不敢侵嶺南節度使楊慎微奏
為偏將徐浩李勉代節度常倚以軍政數捕平劇賊遷
大將試殿中監召為右龍武將軍涇師叛觀適番上即
領兵千餘扈德宗奉天詔盡察諸軍整飭誰遷增募五
千人鼙鼓謹豎士氣益振賜封戶二百授二子八品官

從至梁州帝還詔總後軍擢四鎮北庭行軍涇原節度使在屯四年訓部伍儲藏饒衍平涼之盟吐蕃不得志是年觀入朝前一日就道虜至期出精騎狙擊不及去以少府監檢校工部尚書卒贈太子少傅

韓游瓊靈州靈武人始為郭子儀裨將安祿山反使阿史那從禮將同羅突厥五千騎偽降於朔方出塞門誘河曲九蕃府六胡叛部落凡五十萬子儀使游瓊率辛京杲擊破之九蕃府還附累進邠寧節度留後奉天之

狩兵未集游瓊與慶州刺史論惟明以兵三千來赴自
乾陵北趨醴泉未至有詔引軍屯便橋次泥泉與泚兵
值游瓊欲還奉天監軍翟文秀曰吾壁于此賊敢踰我
而西可夾攻取之今入奉天賊亦隨至是引賊迫天子
也游瓊曰不然我寡賊衆彼分以亢我餘衆猶能鼓而
西也不如先入衛天子且奉天無彊卒安得夾攻吾士
乏且寒賊以利誘之衆且潰遂還奉天泚兵躡攻之戰
不利泚兵奪門游瓊殊死戰乃解泚大治戰棚雲橋士

皆懼游瓊曰賊取佛祠乾木為攻具可以火之既而賊大謀攻南雉游瓊曰是分吾力也趨北雉遣將郭詢郭廷玉以銳士三百傅滿直出火其棚授薪於中風返棚皆燼賊氣沮故諸將推游瓊赴難功第一帝以衛軍無職局軍置統軍一員以游瓊惟明賈隱林處之李懷光叛誘游瓊為變游瓊白發其書帝曰卿可謂忠義矣對曰臣安知忠義但懷光誤臣使震驚乘輿後持臣自解帝嘉其誠從問計欲安出對曰懷光總諸府兵怙以為

亂今邠有張昕靈武有甯景璿河中有呂鳴岳振武有
杜從政潼關有李朝臣渭北有竇觀皆守將也陛下以
其衆與地授之罷懷光權而尊以元功諸將仰首各聽
其帥彼安能以亂帝曰罷懷光權而此益張若何對曰
陛下約士以不次之賞今貢賦方至發而酬之其守自
固邠有萬精甲臣得將之可以誅賊四方杖義而起賊
不足慮帝美其言會懷光誘復至渾瑊得書稍嚴卒以
警游瓊不知發怒嫚罵瑊帝疑有變即日幸梁州游瓊

使子從帝懷光檄假游瓊邠州刺史欲因張昕殺之游瓊既失兵不知所圖有客劉南金說曰邠有留甲可以立功殆天假也游瓊悟誘舊部兵八百馳入邠說昕曰懷光自蹈禍機公今可取富貴無共汚不義也我願以麾下為公先驅昕不聽游瓊移疾不出陰結其將高固等昕欲殺游瓊戒左右衷甲入昕小史李岌潛白游瓊伏甲先起高固等應之斬昕首以聞時懷光子孜在邠游瓊衛出之曰殺之祇以怒敵至必遽不如捨之孜至

涇陽懷光遂走蒲州游瓊屯七盤受李晟節度詔拜邠寧節度使遂會渾瑊於奉天與瑊戴休顏分扼京西要險李晟入長安游瓊破泚兵咸陽泚走涇州游瓊使諭涇將楊澄澄拒不納泚遂敗京師平遷檢校尚書左僕射實封戶四百帝至自興元游瓊及瑊休顏從而李晟尚可孤李元諒奉迎論功與瑊等皆第一游瓊還屯邠寧懷光寇同州瑊元諒敗於乾坑詔游瓊率兵并力敗賊衆五千于屯遂會瑊馬燧圍蒲城師次焦離堡守將

尉珪降懷光見勢單蹙乃縊死貞元二年吐蕃入涇隴
邠寧游瓌追至安化虜營合水北游瓌策曰賊行無人
地必怠可襲取之使將史履澄夜領兵五百入其營斬
數百級取馬五千黎明虜以兵尾擊游瓌羅幟自衛輦
鼓四發虜驚潰去是歲復圍鹽州刺史杜彥光約與之
城吐蕃許之又取銀夏麟等州游瓌請收鹽州以斷戎
人走集虜入漢食禾菽方春而病此天亡時也有詔李
元諒韓全義率師一萬會游瓌收鹽州吐蕃請修清水

盟以歸侵地馬燧為之請詔問游瓈答曰西戎弱則請
盟彊則入寇今侵地益深而乞盟詐我也帝不從會盟
平涼詔游瓈以軍屯洛口盟之日游瓈以勁騎五百待
非常令曰即有變急趨柏泉以分虜勢瑊被劫馳以免
虜見兵出即解去後吐蕃寇大回原游瓈方壁長武即
選騎八百迎擊自引兵繼之監軍以為戎不可易答曰
賊攻豐義今游騎先破則彼大衆不敢前豐義全矣戰
南原敗之吐蕃夜遁會子欽緒以射生將衛京師與奴

人李廣弘謀反謀泄奔邠州中人捕斬以狀示游瓊游
瓊懼求歸死京師帝不許又執欽緒二息送京師帝亦
原之未幾入朝素服聽命有詔復位勞遇如故游瓊盛
言城豐義以遏虜侵帝悅趣還軍初游瓊之朝衆謂且
得罪故齎送殊薄既還舉軍不自安大將范希朝善兵
游瓊畏其逼欲誅之希朝奔鳳翔帝聞召入宿衛游瓊
遣兵築豐義纔二板而潰寧卒數百大掠游瓊不能禁
詔用張獻甫代之游瓊畏亂委軍輕出還京師拜右龍

武統軍卒謚曰襄廣弘者自言宗室子始為浮屠妄曰
我嘗見岳瀆神當作天子可復冠男子董昌舍廣弘於
資敬寺召相工唐郢視之教郢告人曰廣弘且大貴乃
誘欽緒神策將魏循李俊越州叅軍事劉昉等作亂昉
家數具酒大會廣弘所陰相署置又妄曰神戒我十月
十日趣舉約欽緒夜擊鼓譟凌霄門焚飛龍殿循等以
神策兵迎廣弘事捷大剽三日循俊上變乃禽廣弘及
支黨鞠仗內付三司訊實皆殊死廣弘臨刑色自如由

是禁人不得入觀祠

杜希全京兆醴泉人以裨將隸郭子儀積功勞至朔方
節度使軍令整嚴士畏其威奉天之狩希全與鄜坊節
度使李建徽鹽州刺史戴休顏夏州刺史時常春引兵
赴難次漠谷為賊邀擊乘高縱石下之彊弩雜發德宗
使援之不克還保邠州賊平遷檢校尚書左僕射靈鹽
豐夏節度使封餘姚郡王將即屯獻體要八章砭切政
病帝嘉納賜君臣箴一篇尋兼夏綏銀節度都統建言

鹽州據要會為塞保鄣自平涼背盟城陷于虜於是靈武勢縣鄜坊單逼為邊深患請復城鹽州乃詔希全及朔方邠寧銀夏鄜坊振武及神策行營諸節度合選士三萬五千屯鹽州又勅涇原劍南山南軍深入吐蕃牽撓其力使不得犯塞執築凡六千人閱二旬畢由是虜憚不輕入希全居河西久頗越法橫肆帝數容掩其短豐州刺史李景畧名出希全上疑逼已遂排劾之帝為斥以答其意素苦風眩稍劇益忌忍遂誣殺判官李起

吏下累息卒贈司空

邢君牙瀛州樂壽人少從幽薊平盧軍以戰功歷果毅
折衝郎將安祿山反從侯希逸涉海入青州田神功為
充鄆節度使使君牙將兵屯好畤防盛秋吐蕃犯京師
代宗出陝以扈從功累封河間郡公建中初李晟從馬
燧討田悅以君牙為都將在武安襄國間凡五戰斬馘
功最德宗出奉天晟率君牙倍道赴難徙屯渭橋軍中
便宜惟君牙得豫晟在鳳翔數行邊常以君牙守晟入

朝代為鳳翔觀察使俄領節度檢校尚書右僕射吐蕃
歲犯邊君牙劭耕講戰以為備戎不得侵又城隴州平
戎川號永信城卒官贈司空初布衣張汾者無紹而干
君牙軒然坐客上會吏擿簿書以盜沒宴錢五萬君牙
怒其欺汾不謝去曰吾在京師聞邢君牙一時豪俊今
乃與設吏論錢云何君牙慙遽釋吏引為上客留月餘
以五百縑為謝其屈已好士類此

唐書卷一百五十六

唐書卷一百五十六考證

韓游瓌傳進邠寧節度留後○舊書作邠寧節度使臣

酉按游瓌屯七盤受李晟節度時詔拜邠寧節度使此處自應是節度留後舊書誤

唐書卷一百五十六考證